



遺山先生詩集卷第八

樂府

天門引

秦王深宮不得近從破衡成欲誰信白頭游客困
 咸陽顛顛黃金百斤盡海中仙人黃鶴舉大笑人
 間爭腐鼠丈夫何意作蘇秦六印才堪警兒女古
 來多為虛名老不見阿房淨如掃千年虎豹守天
 門一日牛羊臥秋草

蛟龍引



古劍咸陽墓中得挾開青雲見白日蛟龍地底氣
如虹玉花千年不敢蝕洪鑪烈焰初騰精橫海已
覺無長鯨世上元無倚天手匣中誰解不平鳴割
城恨不逢相如口酒恨不逢朱虛尚方未入朱雲
請盟盤合與毛生俱誰念田文座中客只將彈鋏
歎無魚

湘夫人詠

木蘭芙蓉滿芳洲白雲飛來北渚遊千秋萬歲帝
鄉遠雲來雲去空悠悠秋風秋月沅江渡波上寒

煙引輕素九疑山高猿夜啼竹枝無聲墮殘露

湘中詠

楚山鶴鳴風雨秋楚岸猿啼送客舟江山萬古騷
人國猿鳥無情也解愁西北長安遠於日憑君休
上岳陽樓

孤劍詠

鬱鬱重鬱鬱夜半長太息吟成孤劍詠門外山鬼
泣清霜稜稜風入骨殘月耿耿燈映壁君不見一
飢縛壯士僵臥時自憺黃鵠一舉摩蒼天誰念樊

籠束修翼

渚蓮怨

阿漢何許來素面浣風雨寂寞煙中魂依依欲誰
語

芳華怨

娃兒十八嬌可憐亭亭裊裊春風前天上仙人玉
爲骨人間畫工畫不出小小油壁車軋軋出東華
金縷盤雙帶雲裾踏鴈沙一片朝雲不成雨被風
吹去落誰家少年豈無恩澤侯金鞍繡帽亦風流

不然典取鸚鵡裘四壁相如堪白頭金谷樓臺倘
無主燕子不來花著雨只知環珮作離聲誰向琵琶
得私語無情鷓鴣泣翡翠兒有情蜂雄蛺蝶雌勸
君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破
來一千日寂寞菱花仍半邊白沙漫漫車轆轤
鷄絃中杜鵑哭塞門顛顛人不知枉爲珠娘怨金
谷樂府初唱娃兒行彈碁局平心不平只今雄蜂

遺山詩集 三十八
雌蜺兩不死老眼天公如有情白玉搔頭綠雲髮
玫瑰面脂透肉滑春風著人無氣力不必相思解
銷骨落花絕品姚家黃揚州銀紅一國香千圍萬
遶看不足雨打風吹空斷腸丹砂萬年藥金印八
州督不及秦宮一生花裏活長門曉夕壽相如儘
著千金買消渴

結楊柳怨

長樂坡前一杯酒鄭重行人結楊柳可憐楊柳千
萬枝看看盡入行人手輕煙細雨綠相和惱亂春

風態度多路人愛是風流樹無奈朝攀暮折何朝
攀暮折何時了不道行人暗中老素衣今日洛陽
塵白髮明朝塞城草柳色年年歲歲青關人何事
管離情春風誰向丁寧道折斷長條莫再生

秋風怨

碧瓦高梧響疎雨坐倚薰籠時獨語守宮一著死
生休狗走鷄飛莫爲女雲間簫鼓夜厭厭禁漏誰
將海水添一春門外羊車過又見秋風拂翠簾總
把丹青怨延壽不知猶有竹枝鹽

歸舟怨

渡頭楊柳青復青
閨中少婦動離情
只從問得狂夫處
夜夜夢到洛陽城
南風吹櫓聲
北鴈鳴嚶嚶
江流望不極
相思春草生

征人怨

瀚海風煙埽易空
玉關歸路幾時東
塞垣可是秋寒早
一夜清霜滿鏡中

塞上曲

平沙細草散羊牛
幾簇征人在戍樓
忽見隴頭新

鴈過一時迴首望南州

西樓曲

游絲落落絮春漫漫
西樓晚晴花作團
樓中少婦弄瑤瑟
一曲未終坐長歎
去年與郎西入關
春風浩蕩隨金鞍
今年疋馬妾東還
零落芙蓉秋水寒
并刀不剪東流水
湘竹年年露痕紫
海枯石爛兩鴛鴦
只合雙飛便雙死
重城車馬紅塵起
乾鵲無端爲誰喜
鏡中獨語人不知
欲插花枝淚如洗

後平湖曲

越女顏如花吳兒潔如玉天教竝牆居不著同被
宿美人一笑千黃金連城不博百年心樓上牆頭
無一物暮爨朝春一生足秋風拂羅裳秋水照紅
妝舉頭見郎至低頭采蓮房郎心只如菱刺短妾
意未覺藕絲長與郎期何許眼礙同舟女春波澹
澹無盡情雙星盈盈不得語十里平湖艇子遲岸
花汀草伴人歸鴛鴦驚起東西口唯有蜻蜓口翅
飛

涓川行

涓川道邊日欲西誰家少婦掩面啼漫漫長路行
不徹粉綿鏡衣手自攜自言娼家女家在梁門東
夫婿輕薄兒新人不相容憶初在家時只辦放嬌
慵爺娘惜女如惜玉近前細看面發紅無端嫁作
蕩子婦流落棄擲風埃中可憐桃李花顏色嬌蒙
茸朝看華枝好暮看華枝空安得明珠三百斛重
簾複幕圍春風

長安少年行

黃衫少年如玉筆生長侯門人不識道逢豪客問

遺山詩集 六
姓名袖把金鞭側身揖臥馳行橐錦帕蒙石榴壓
漿銀作筒八月蒼鷹一片雪五華驕馬四蹄風日
算新豐原上獵三更歌舞灞橋東

黃金行

贈王飛伯

王郎少年詩境新氣象慘澹含古春筆頭仙語復
鬼語只有溫李無他人天公著詩貧子身子曾不
知乃自神人間不買詩名用一片青衫衡霍重兒
貧女富母兩心何論同袍不同夢入門喚婦不下
機淚子垢面兒啼飢君詩只有貧女謠何曾夢見

金縷衣外家翁媪日有語嫁女書生徒爾爲昆陽
城下三更酒醉膽輪困插星斗一夕詩腸老蛟吼
十尺長人墮車走斫頭不屈三萬言欲向何門復
佞首何人壽我黃金千使君破鏡飛上天

隋故宮行

渭川楊柳先得春二月鶯啼百轉新長春宮中千
樹錦暖日晴雲思煞人君王半醉唱吳歌絳仙起
舞嘖翠蛾吳兒謾說會行樂三十六宮能幾多千
秋萬古金銀闕海沒三山一毫髮繁華夢覺人不

知留得寒螿泣秋月

解劍行

古劍黑於漆鬱鬱動星文摩挲二十年今日持贈
君長鯨鼓浪三山渡知君不是泥中物袖間一卷
白猿書未分持刀買黃犢壯懷風雲鬱沉沉慚媿
漂母無千金長安侏儒飽欲死萬古不解天公心
北風浩浩吹行客隴水無聲雪花白荆卿墓頭秋
草乾擊筑行歌欲誰識君不見秦相五殺皮去時
烹鷄炊屨屨又不見敝裘蘇季子合從歸來印纍

纍丈夫墮地自有萬里氣翁忽變化安能知大冠
如箕望吾子富貴同生亦同死

征西壯士謠

三十未有二十強手內蛇矛丈八長總爲官家金
印大不怕百死向沙場捉却賀蘭山下賊金鞍繡
帽好還鄉

望雲謠

涉江采芙蓉芙蓉待秋風登山采蘭茗蘭茗霜早
雕美人亭亭在雲霄鬱搖行歌不可招湘絃沉沉

寫幽怨愁心歷亂如曳雷金支翠蕤紛在眼春草
迢迢春波遠

望歸吟

塞雲一抹平如截塞草離離臥榆葉長城窟深戰
骨寒萬古牛羊飲冤血少年錦帶佩吳鉤獨騎疋
馬覓封侯去時只道從軍樂不道關山空白頭北
風吹沙雜飛雪弓絃有聲凍欲折寒衣昨夜洛陽
來腸斷空閨搗秋月年年歲歲望還家此日歸期
轉未涯誰與南州問消息幾時重拜李輕車

梁園春五首

車駕遷汴京後作

軍從南去三迴勝雪自冬來二尺強今歲長春多

樂事內家應舉萬年觴

長春德陵誕節名

暖入金溝細浪添津橋楊柳綠纖纖賣花聲動天
街遠幾處春風揭繡簾

上苑春濃晝景閒綠雲紅雪擁三山宮牆不隔東
風斷偷送天香到世間

樓觀沉沉細雨中出牆花木亂青紅朱門不解藏
春色燕宿鶯喧處處通

雙鳳簫聲隔綵霞宮鶯催賞玉谿花誰憐麗澤門
邊柳瘦倚東風望翠華

龍德宮有玉谿館
麗澤燕都西門名

風詞五首

禁裏蒼龍啟九關殿前鸚鵡喚新班沉沉綠樹鞭
聲遠嫋嫋薰風扇影閒

浩蕩春風入繡鞍可憐東野一生寒皇州花好無
人管不用新郎走馬看

六十人中數少年風流誰占探花筵阿欽正使才
情盡猶欠張郎白玉鞭

李欽用二十七張夢
祥少一歲又未婚云

美酒清歌結勝游紅衣先為渚蓮愁曲江共說櫻

桃宴不見西園風露秋

人物風流見藹然逼人佳筆已翩翩龍津春色年
年在莫著新銜惱必先

獵城南

翩翩游俠兒白馬如足練朝出城南獵莫趁軍中
宴北平有真虎愛惜腰間箭

春風來

春風來時瑤草芳綠池珠樹宿鴛鴦春風去後瑤

遺山詩集 十
草歇來鴻去燕遙相望鴛鴦不得雙燕鴻天一方
娟娟愁眉色靜與遙山長錦衾復羅薦夢語相息
怨月明烏夜啼空閨淚如霰

幽蘭

仙人來從舜九疑辛夷爲車桂作旂疏麻導前杜
若隨披猖芙蓉散江離南山之陽草木腓澗岡重
複人迹希蒼崖出泉懸素霓翛然獨立風吹衣問
何爲來有所期歲云暮矣胡不歸鈞天帝居清且
夷瑤林玉樹生光輝自棄中野誰當知霰雪慘慘

清入肌寸根如山不可移雙麋不返夷叔飢飲芳
食菲尚庶幾西山高高空蕨薇露繁無人薦湘纍
山鬼切切雲間悲空山月出夜景微時有彩鳳來
雙棲

并州少年行

北風動地起天際浮雲多登高一長嘯六龍忽蹉
跎我欲橫江鬪蛟鼉萬弩迸射陽侯波或當大獵
燕趙間黃熊朱豹皆遮羅男兒萬馬隨撟訶朝發
細柳暮朝那埽雲黑山布陽和歸來明堂見天子

黃金橫帶冠峩峩人生只作張騫傅介子遠勝僵
死空山阿君不見并州少年夜枕戈破屋耿耿天
帛河欲眠不眠淚滂沱著鞭忽記劉越石拔劍起
舞鷄鳴歌東方未明兮奈夜何

怒虎行

荅宋文之

怒虎當道臥百里不敢嚙紛紛射虎手一見弧矢
墮誰知世有李將軍霹靂弦聲驚石破昨日雙南
金今日綠綺琴贈君無別物唯有百年心

梅華

太歲梅華晚今歲梅華早和羹要佳實春風莫草

草

寶鏡

寶鏡挂秋水青娥紅粉妝春風不相識白地斷肝
腸

續小娘歌十首

吳兒沿路唱歌行十五五和歌聲唱得小娘相
見曲不解離鄉去國情
北來游騎日紛紛斷岸長堤是陣雲萬落千邨藉

道山詩集 十二
不得城池留著護官軍
山無洞穴水無船
單騎駟人動數千
直使今年留得在
更教何處過明年
正正
青山高處望南州
漫漫江水遶城流
願得一身隨水去
直到海底不迴頭

風沙昨日又今朝
踏碎鷓鴣頭
路更遙不似南橋騎馬口
生紅七尺繫郎腰
鴈鴈相送過河來
人歌人哭鴈聲哀
鴈到秋來却南去
南人北渡幾時迴

竹溪梅塢靜無塵
二月江南煙雨春
傷心此日河平路
千里荆榛不見人

太平婚嫁不離鄉
楚楚兒郎小小娘
三百年來涵養出
却將沙漠換牛羊

飢烏坐守草間人
青布猶存舊領巾
六月南風一萬里
若爲白骨便成塵

黃河千里扼兵衝
虞虢分明在眼中
爲向淮西諸將道
不須誇說蔡州功

遺山先生詩集卷第八

終

遺山先生詩集卷第九

五言律詩

懷益之兄

世故伊川歎鄉情越客音天宜他日定陸已向來
 沉冉冉愁看老源源事益侵誰言易排遣自分不
 勝任鞭影驚疲馬鐘聲急算禽跼中無曠迹喧外
 有幽尋夢失名家筆書存遺子金山田和石瘦茅
 屋過雲深春雨蔬成圃秋霜柿滿林樹陰涼拂席
 花氣澹盈襟宿鷺窺晨汲孤猿伴暝吟溪僧時問

字野客或知琴抱璞休奇售臨觴得緩斟阿兄團
聚日曾語百年心

汴禪師自斲普照石為研以詩見餉為和二首

寺廢瓦不毀研奇功亦多已知良斲少更奈苦心
何挺挺剛無敵津津潤可呵羽陽陵谷變冰井字
書訛贈比黃金璞辭慙潔石歌遙知玉音在洗耳

俟研磨 長吉有紫石研歌

點化鉛仍見堅凝鐵易穿何年埋朽壤此日睹青
天古色秋煙重哀音夜雨懸有刀堪切玉是鏡不

名塲佛廕淪空劫書林結後緣禪河一勺水更擬
就師傳

惡雨

惡雨惡復惡龍公何遽然霆轟水塔碎電掣玉繩
連高岸皆深谷層霄一漏泉黑來疑擁海白散忽
成煙市響千門合潮頭萬弩穿天瓢休盡建 上枯聲
早有他年

癸巳除夜

鼎定周元重新安漢已然不隨南渡馬虛泛北歸

船身並枯蠲化心爭脫兔先塵埃嗟落泊光景強
畱連往事青燈裏浮生白髮前更殘鐘未動猶屬
出京年

病中

病因食猪動氣而作癸卯四月二十一日晨起書

戰勝頗自恃寧知從外腴文章工作崇時運迫摧
枯止酒嗟何及燒猪本不圖膏粱無急變山澤有
真臞詩信藤條戲方遭鐵彈誣鹽去聲紅忘後顧鰲
黑見前驅眩入投床仆晨淹伏枕呼萬錢誰嘔泄
一鬢爾乘除靜伏心仍悸深調息亦麤跼嫌囚宇

宙渴憶捲江湖風柳留蟬蛻霜松映鶴孤養和懲

往失

几名養和事見天隨子詩

扶老念時須杯杓歸神誓垣墻

任佛踰回蹊且垂翅望或在桑榆

綦威卿毅挽辭

東海于門舊桐鄉邑墓遷

綦東海人威卿之祖待制公知忻州因家焉

芝蘭宜有種珠玉自成淵慈母依隣切名郎獲譽

先豪華非日損信厚出天然詣理言猶訥持心靜

益專笑談千里到咳唾百金捐論齒推予長垂髫

得子賢通家仍孔李知己與王田刻責誰斯切推

扶最所偏孤嫠平日託昆季再生緣摧割詩寧寫
精微夢或傳都將百年淚一慟夜臺前

贈祖唐臣

詩道壞復壞知言能幾人陵夷隨世變巧僞失天
真鬼蜮姦無盡優伶伎畢陳謗傷應皆裂淫褻亦
肌淪珉玉何曾辨風花祗自新憐君用幽意老矣
欲誰親

老樹

老樹高畱葉寒藤細作花沙平時泊鴈野迥已攢

鴉旅食秋看盡行吟日又斜干戈正飄忽不用苦
思家

陽翟道中

長路伶俜裏羈懷蒼莽中千山分晚照萬籟入秋
風頻見參旗縮虛傳朔幕空故園歸未得細問北
來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋
蟬綠泛兵厨酒紅依幕府蓮無緣逐清景空羨飲

中仙

太室同希顏賦

壯矣崧維岳盤盤上窈冥中天瞻巨鎮元氣有遺
形雨入秦川黑雲開楚岫青鰲掀一柱在萬古壓
坤靈

送登封張令西上

罷縣人稱屈悠悠復此行渭城秋鴈到秦嶺暮雲
平道路衣從典風塵劔已鳴山西多俠客莫說是
書生

方城道中懷山中幽居

技拙違時用年饑與食謀江山貧士嘆日月賈胡
畱楚客頻招隱文園故倦游衡門有幽事還我北
窗秋

孟州夾灘飲承之御史家

同欽叔作

黃酒禁愁得芳梅發興饒紛紜聊且置魂磊故須
澆鷄黍成前約干戈有此宵平生楊大理惜不預

佳招

雲卿赴召五日矣

送曹吉甫兼及通甫

意氣美君豪憐君屈騎曹安能事筆硯且復混弓
刀風雪貂裘暗關山馬骨高南飛見鴻鴈應爲惜
哀勞

勝槩

三鄉作

勝槩煙塵外新詩杖屨間偶隨流水去澹與暮雲
還吾道三緘口時情一解顏從今便高臥已負半
生閒

少室南原

地僻人煙斷山深鳥語譁清溪鳴石齒暖日長藤

芽綠映高低樹紅迷遠近花林間見鷄犬直疑是
仙家

寄贈龐漢茂弘

之子貧居久詩文日有功夫心唯我見高誼許誰
同萬里虎食肉一鳴鷄長雄皇天老眼在且莫怨
丘中

洛陽古城曦陽門早出

乘月出曦陽黎明轉北岡荒村自鷄犬長路足豺
狼天地憐飄泊風霜憶閉藏微吟許行役淒斷不

成章

聞希顏得英府記室

近得髯參信知從兔苑游
文星映朱邸勝槩減黃樓
進退存中道功名接上流
徒懷貢公喜塵土隔

瀛洲

落魄

落魄宜多病艱危更百憂
雨聲孤館夜草色故園秋
行役魚鱗尾疇期鳥白頭
中州遂南北殘息付悠悠

得姪傳信二首

今日鄜州姪知從虎穴還
百年陰德在幾日鬢毛斑
隔濶家仍遠羈棲食更艱
誰憐西北夢依舊遶秦關

號驛傳家信坤牛玩吉占
團圓知有望悲喜亦相兼
過眼書重展伸眉酒屢添
關河動高興百遶望清蟾

阿千始生

四十舉兒子提孩聊自誇
夢驚松出笋兆應竹生

花田不求千畝書先備五車野夫詩有學他日看
傳家

長壽新居三首

同仲
經賦

地古村墟迥川迴縣郭斜蒲池餘老節菊水引新
茅卜築欣成趣婦耕覺有涯迎門顧兒女今日是
山家

隱去心初在親朋復此偕荒田婦別業高樹表新
齋泉石深三逕風塵限兩崖青山坐終日無物寄
幽懷

昔有姜夫子來家寂寞濱墓田耕已熟碑石字猶

新詩酒娛中歲山林有外臣三生可信否吾亦寄

前身

宣和中姜夢得處士常隱于此墓碣在焉夢
得曾上書仁宗既老以詩酒自娛碣文說地

名白鹿原
長壽村也

少林雨中

西堂三日雨氣節變蕭森偃臥復欹臥長吟時短
吟鐘魚四山靜松竹一燈深重美禪棲客都無塵

慮侵

十二月六日二首

倂鬼跳梁久群雄結構牢天機不可料世網若爲
逃白骨丁男盡黃金甲第高閭門隔九虎休續楚
臣騷魚四山特公竹一登
海內兵猶滿天涯歲又新龍移失魚鼈日食鬪麒
麟草棘荒山雪煙花故國春聊城今夜月愁絕未
歸人

得一飛姪安信

音問他鄉隔存亾此日知夢中憂凍餒意外脫艱
危避地何嗟及還家敢恨遲衰年吾事了似有鹿

門期

短日

短日碁聲急重雲鴈影深風霜侵晚節天地入歸
心零落溝中斷酸嘶爨下音五年朝與夕清血幾
霑襟

送母受益自潞府歸崧山

薄俗科名賤孤生志願違正須謀獨往何暇計群
飛泌水真堪樂荊州况可依青山吾舊隱此日美
君歸

寄程孫鐵安

御史陰功在孫兒玉不如已能騎竹馬想亦愛銀
魚異縣關山濶衡門骨肉疎幾時隨阿舅盡讀外
家書

贈汴禪師

道重疑高譽禪枯耐寂寥蓋頭茅一把饒腹篋三
條趙子曾相問憑公每見招風波門外客無事且
相饒

乙亥元日

五十未全老衰容新又新漸稀頭上髮別換鏡中
人野史纔張本山堂未買隣不成騎瘦馬還更入
紅塵

送楊次公兼簡秦彥容李天成

海國山如染雲堆草易荒時危頻虎穴路絕更羊
腸弔影雙蓬髮攜家一藥囊殷勤秦與李無惜借
餘光

發濟源

早曠今年劇他鄉底處歸羸糧失先具涉世本無

機棄擲烏皮几裴回白版扉殷勤雙語燕媿汝遠
相依

倪庄中秋 巳亥

強飯日逾瘦袂衣秋已寒兒童漫相憶行路豈知
難露氣入茅屋溪聲喧石灘山中夜來月到曉不
曾看

荅潞人李唐佐贈詩

聞道嗟予晚求師愧子賢泥途終自拔璞玉豈虛
捐書破三千牘詩論二百年文章有聖處正脉要

人傳

陽興砦

亂石通樵逕重崗擁戍城山川帶淳朴鷄犬見升
平雨爛沙仍軟秋偏氣自清年年避營馬幾向此

中行 絲州入府避騎兵
奪馬者多絲此路

懷粹中

醉解不復寐吟君田舍詩從知石門老未比木菴
師日月淹書尺江山入鬢絲何因重談笑却似少
林時

同周師夢卿崔振之遊七岩

定襄

客路頻年別僧居半日閒同遊盡親舊舉目是家
山世事風塵外詩情水石間悠然一尊酒落景未
知還

送崔振之迎家汴梁

老伴不易得殘年唯有閒桑麻一村落鷄犬兩柴
關樊守能供酒周侯許買山從今釣溪上日日望
君還

聚仙臺夜飲

永夜畱歡席高懷遠市塵月涼衣有露風細酒生
鱗鄉社情親舊仙臺姓字新殷勤詩卷在長記坐
中人

續陽平十愛

我愛陽平酒兵厨釀法新百金難著價一錢卽醺
人色笑榴花重香兼竹葉醇爲君畱故事喚作杏

園春

杏園指鈕子
正家園爲言

送田益之從周帥西上二首

市近厨無肉書香橐有蟲深居誰不樂
去聲兀坐竟

何功天日伸眉後江山洗眼中蓬萊如可到剩借

玉川風有所謂

一室盆歌後供樵只短僮求凰可無日牧犢未成

翁桂樹春風近楊萸煖律通明年孟德耀應與伯

鸞東

九月晦日王村道中

水涸沙仍溼霜餘草更幽煙光藏落景山骨露清

秋坐食知何益行吟只自愁隨陽見鴻鴈三嘆惜

淹留

南飲十月四日往關南二首

短日晨光澹高風宿靄澄山寒渾欲雪水涸劣能

冰振厲時何有躋攀倦不勝哦詩聊自遣松液已

香凝子方釀松醪當以今日燕故及之

行路見新月獨行還獨謠勞生塵袞袞晚色鬢蕭

蕭野曠無遺穗林疎有墮樵回頭麥山嶺更覺馬

蹄遙

寄王文德新二首德新時在汝州

沙際春還去雲頭雨不成興來誰共醉事往獨含

情紫邏留行客黃流隔戍城岸花何處在空憶權

歌聲孟津時事

文辭博二首

詩

清汝風華地平生記此游酒能千日醉春必萬金

酬攬鏡非遲算逢花儘滯留只應歌笑處偏欠李

邨州

欽叔時赴邨州幕官

行景隨結夢生塵京京卸色

香缺舊國

燕郊又古中

舊國分崩久孤兒展省初客衣留手綫驛傳失肩

輿夢拜悲兼喜心飛疾亦徐殷勤南去鴈先為到

商於

十日四日出關前二首

和仲梁

林影兼秋薄雲陰帶晚涼石潭魚近藻沙渚鴈留

一作舍

霜笑語無長路登臨豈異鄉一尊堪共醉惜

不是重陽

甲辰夏五月積雨十餘日不止遣悶二首

甲子霖霖雨巡簷悶不禁幻泡成實相水樂激哀

音瘴海聞天漏堯年見陸沉騫飛想雲表癡坐若

為心

南史王景文傳人居貴要但問心若為耳

甲子霖霖雨農郊搏手空排墻寧有禮為怪竟何

功戰蟻侯王上鳴蛙意氣中掃晴應曉夕少忍待

秋風排墻事見王衍論云排墻之壓猶有為耳

陽泉棲雲道院

方外復方外翛然心迹清開窗納山影推枕得溪

聲川路遠誰到石田平可耕霜林不嫌客畱看錦

崢嶸

劉子中夢菴

寤寐生與死幻歟為是真如何夢中境不屬覺時

人朝徹從渠夜形開亦此神殷勤花上蝶分我漆

園春

丙午九月詠菊二首

秋菊有何好祗緣風露清花中誰比數霜後獨鮮

明九日惜虛過一尊還自傾今年病居士吟遠更

關情別南北臥室今日更盡心共為因人吟自各

几案得新供小窓幽更宜風霜寧小怯根撥要深

移黃素金行正芳甘藥品奇三薰復三沐歲晏與

君期四枝對骨氣開風谷韻百平世一矣辛苦掛

此集感事郊裝掛面風人音機已外香亦那餘

壯事本無取老謀何所成人皆傳已死吾亦厭餘
生潦倒封侯骨淹留混俗情百年堪一笑辛苦惜

虛名

酬中條李隱君邦彥

川路限南北相逢今白頭蟲沙非故國人物自名

流學道慙高步留詩惜暗投歸秦如有便終伴竹

林游

邦彥自關中徒步省其季父於集寧故有竹林之句

送邦彥北行

此數推前輩陪從結後緣川涂卽睽隔詩酒重留

連白鶴歸華表青牛得老僊秦山好行脚倚杖待

明年

紫微劉丈雅有游秦之興故篇中有及

同冀文明秀山行

算景披橫幅山間二老同雲如愁戍苦雪亦笑詩

窮古木凍欲折斲崖行復通從今胡谷夢時到水

聲中

同姚公茂徐溝道中聯句

路轉川途濶天低雨氣昏綿山連漢壘汾水入并

門

姚來往頻鞍馬登臨負酒尊聯詩強一笑淒絕

恐消魂

壬子月夕

明月復明月今年還遠遊關河動歸興時節重離
憂老眼耿無寐病身偏覺秋遙憐小兒女把酒望
東州
庚子三月十日作
殘夢志書帙餘寒滯酒杯青銅元懶照白紵更寬
裁水際時獨往花邊知幾迴殷勤雙語燕應自謝
家來

七月十六日送馮揚善提領關中三教

爲愛秦中好西遊日苦遲青雲動高興白首得新
知道在貧何病官閒老更宜相思詩酒社無計與
追隨

京兆漕司官居三首

符節推通貴江山入勝游名園隨地改高棟與雲
浮簿領歸閒暇鶯花接獻酬不知秋夜月何似庾
公樓

複嶺雲橫野孤峰玉柱天遙知開館日別破見山

錢夢出紛華外詩來寂寞邊亭中誰舉酒高興想
悠然

聞說梅軒好長吟有所思入簷看瘦影挂月見橫
枝東閣今千載風流彼一時西遊曾有約到日更

題詩

甲寅正月二十三日故關道中三首

雪礪不得過陽陂如見畱林煙常暗澹木葉自颯
颯齒髮悲行役鶯花惜舊游塵埃與風雨看待幾
時休

千里不易到三冬須少畱居情猶晉產去意已雕
丘遠出每爲苦雄誇還自羞君心未肯在應待肯
時休

六十復半十年年添白頭祇知詩遣興未覺酒忘
憂人七因循過元宵塊坐休殷勤行記上今日是

東州

送閻子實焦和之北上

秦府賢初聚瀛洲路匪遙謨謀在廊廟物色到漁
樵布褐豈終隱旌車行見招春風兩黃鵠老眼看

雲霄

浩浩庫城

水岸高知幾尋疎林護懸險絕壁入清

深跼步無曠迹勞歌惟苦音年年一來此老我亦

何心

六十婁生北土平添白頭悲吟前古詩士今日豈

并府虛荒久大城如廢村草茅知世故泉壤隔天

闈六月甘霖浹一言陰理存明年佩符節知有奉

春孫

遺興

几案滿書史欣然忘百憂一篇詩遣興三醖酒扶

頭千載陶元亮平生馬少游但留強健在老矣復

何求

八月并州鴈

三鄉
時作

八月并州鴈清汾照旅群一聲驚晚笛數點入秋

雲滅沒樓中見哀勞枕畔聞南來還北去無計得

隨君

示白誠甫徐知樾曹真山公美玉公木終所

之子吟爆竹迺翁欣樹萱崑山多美玉江水發初
源名教有樂地詩書皆雅言通家吾未老倚杖望
高軒
甲寅十二月四日出鎮陽寄宰魯伯
渾水曉光動霸橋詩境同衝寒騎瘦馬認影識衰
公長路風聲裏孤城雪意中回頭歌笑處淒絕意
何窮

送文生西行
今夜東山月隨人知幾程從軍少年事分手故鄉

情渭水風露早秦川煙樹平相招有仙掌無計與
君行

乙卯十一月往鎮州

村靜鳥聲樂山低鴈影遙野陰時混朗冷雨只飄
蕭涉遠心先倦衝寒酒易消紅塵望南北渺渺見
長橋

挽趙參謀二首

以下係續編

偃息參戎幕敦龐一褐寬儒宮新俎豆賓榻老衣
冠石動心寧轉河清笑自難殷勤題画像畱與後

生看一云留作典刑看

篇什中州選兵間僅補完風人定誰采墨本賴君
刊雅道湮沉易幽光發越難高門有孫息玉立看
儒冠

嗣侯大總管哀挽二首

北俗資財勁將軍迥不群賓筵推雅量戰艦望奇
勲運隔黃圖日神馳紫塞雲祇應吳季子拊樹惜
徐君

倚伏難前料乘除忌蚤成老親如宿昔世爵見哀

榮劔鬱雙龍氣碑留九虎名感歌凡幾解千載賁
佳城

荅弋唐佐魯山人有志道學

遭亂無安地分憂得若人鄉隣存世譜骨肉到情
親信默餘天粹咀嚅有道真懷哉沂水上同詠舞
雩春

不寐

不寐復不寐悲吟如自讐鷄棲因失曉虫語苦爭
秋日月虛行橐風霜入敝裘誰憐庾開府直欲賦

澆愁

送楊叔能東之相下

海內楊司戶聲名三十秋
文高徒自苦食盡與誰
謀老檜風霜飽芳蘭澗
壑幽東游無可慮敬客有
蕭侯

遺山先生詩集卷第九

終

遺山先生詩集卷第十

七言律詩

秋懷

崧山
中作

涼葉蕭蕭散雨聲
虛堂淅淅掩霜清
黃華自與西風約
白髮先從遠客生
吟侶候蟲秋更苦
夢和寒鵲夜頻驚
何時石嶺關頭路
一望家山眼暫明

入帝城二首

史院夜
直作

帝城西下望孤雲
半廢晨昏媿此身
世俗但知從仕樂
書生只合在家貧
悠悠未了三千牘
碌碌翻

隨十九人預遣兒書報婦日安排鷄黍約北隣
羈懷鬱鬱歲駸駸擁褐南窗坐晚陰日月難淹京
國久雲山唯覺玉華深隣村爛熳鷄黍局野寺荒
涼松竹林半夜商聲入寥廓北風黃鵠起歸心

僕射陂醉歸卽事
多生曾得江湖樂每見陂塘覺眼明詩酒共尋前
日約風陰新自夜來晴春波澹澹沙鳥沒野色荒
荒煙樹平醉踏扁舟浩歌起不須紅袖出重城

招樂府不至

春日

里社春盤巧欲爭裁紅暈碧助春情忽驚此日仍
爲客卻想當年似隔生貧裏藿鹽憐節物亂來歌
吹失歡聲南州剩有還鄉伴戎馬何時道路清

詹春盤賦裁紅暈碧巧助春情爲韻

橫波亭

爲青口帥賦

孤亭突兀插飛流氣壓元龍百尺樓萬里風濤接
瀛海千年豪傑壯山丘疎星淡月魚龍夜老木清
霜鴻鴈秋倚劍長歌一盃酒浮雲西北是神州

野菊座主閒閒公命作

柴桑人去已千年細菊斑斑也自圓共愛鮮明照
秋色爭教狼藉臥疎煙荒畦斷壠新霜後瘦蝶寒
螿晚景前只恐春叢笑遲暮題詩端爲發幽妍

度太白嶺往昆陽

斷崖絕壁裂蒼頑竟日長林窈窕間舊許煙霞歸
白髮悔隨塵土出青山饑蠶泚泚催人老野鶴昂
昂羨汝閒畏景方隆路方永南風迴首暮雲還

寄希顏二首

後一首希顏在
徐州幕時作

僵臥崧丘七見春商餘歸計一塵新悠悠華屋高
貲意兀兀田夫野老身動色雲山如有喜忘機鷗
鳥亦相親麤疎潦倒今如此樓上元龍莫笑人

湖海故人仍騎曹彭門千里入憑高山頭杜甫長
年瘦樓上元龍先日豪水落魚龍失歸宿秀天長

鴻鴈獨哀勞酒船早晚東行辨共舉一杯持兩螯

懷益之兄

時在
閬鄉

牢落關河鴈一聲干戈滿眼若爲情三年浪走空
皮骨四海相望只弟兄黃耳定從秋後到白頭新

自夜來生西樓日日西州道欲賦窮愁竟不成

昆陽二首

古木荒煙集暮鴉高城落日隱悲笳并州倦客初
投迹楚澤寒梅又過花滿眼旌旗驚世路閉門風
雪羨山家忘憂只有清樽在暫爲紅塵拂髮華
去日黃花半未開南來忽復見寒梅淹留歲月無
餘物料理塵埃有此杯老馬長途良憊矣白鷗春
水亦悠哉商餘說有滄洲趣早晚乾坤入釣臺

寄西溪相禪師

青鏡流季易擲梭壯懷從此卽蹉跎門堪羅雀仍
未害釜欲生魚當奈何萬事自知因懶廢一官元
不投貧多拂衣明日西溪去且放雲山入浩歌

葉縣雨中

時崧前
旱尤甚

春旱連延入麥秋今朝一雨散千憂龍公有力迴
枯槁客子何心歎滯留多稼卽看連楚澤歸雲應
亦到崧丘兵塵浩蕩乾坤滿未厭明河拂地流

寄荅趙宜之兼簡溪南詩老

窗影朧朧納暝陰風聲浩浩急霜砧秋鴻社燕飄

零夢頽水崧山去住心黃菊有情留小飲青燈無
語伴微吟故人憔悴蓬茅晚料得老懷如我今

頽上風煙天地迴頽亭孤賞亦悠哉春風碧水雙
鷗靜落日青山萬馬來勝槩消沉幾今昔中年登
覽足悲哀遠遊擬續騷人賦所惜恩恩無酒杯

山中寒食

小雨班班泥曙煙平林簇簇點晴川清明寒食連
三月頽水崧山又一年樂事漸隨花共減歸心長

與鴈相先平生最有登臨興百感中來只慨然

楚漢戰處

同欽
叔賦

虎擲龍拏不兩存當年曾此賭乾坤一時豪傑皆
行陣萬古山河自壁門原野猶應厭厭膏血風雲長
遣動心魂成名豎子知誰謂擬喚狂生與細論

懷叔能

別卻楊侯又一年西風每至輒淒然酒官未得高
安上詩印空從吏部傳三沐三薰知有待一鳴一
息定誰先黃塵憔悴無人識今在長安若箇邊

畱別仲澤

避俗無機日見侵
逐貧不去巧相尋
半生與世未嘗合
前日入山唯不深
綠水紅蓮慚大府
清泉白石識初心
相思命駕非君事
能寄詩來或賞音

鄭州上致政賈右丞相公

時被命就公訪先朝逸事

黃閣歸來履舄輕
天將五福畀康寧
四朝人物推耆舊
萬古清風在典刑
鄭圃亦能知有道
漢庭久欲訪遺經
帝城此後瞻依近
長傍弧南候極星

寄荅景玄兄

故人相念不相忘
頻着書來約對床
甚喜樵夫與爭席
所憂簿吏復登堂
春風和氣隨詩到
洛水秦山引興長
奮袖高談夜窗白
幾時危坐聽琅琅

復登堂李長吉語景玄去歲大為催科所困

寄辛老子

草堂西望渺煙霞
夢寐西南一徑斜
為羨鸞凰安枳棘
悔將猿鶴入京華
百錢卜肆成都市
萬古詩壇子美家
後日從翁問奇字
可能逋客待侯巴

後灣別業

薄雲晴日爛烘春高柳清風便可人一飽本無華
屋念百年今見老農身童童翠蓋桑初合灑灑蒼
波麥已勻便與溪塘作盟約不應重遣濯纓塵

劉丈仲通哀挽

拙宦深辜遠業期無兒更結下泉悲溫純如此豈
復見報施言之尤可疑四葉名家今日盡百年潛
德幾人知元劉交分平生重才薄猶堪第二碑

會善寺

白塔沉沉插翠微魏家宮闕此餘基人生富貴有

遺恨世事廢興無了期勝槩只今歸鷲嶺煙花從
昔繞龍墀長松想是前朝物及見諸孫賦黍離

寄欽用

顛顛京華首苜盤南山歸興夜漫漫長門有賦人
誰買坐塌無檀客亦寒蟲臂偶然煩造物麈頭何
者亦求官故人東望應相笑世路羊腸乃爾難

楊之美尚書挽章

冠蓋龍門此日空人知麟出道將窮景星明月歸
天上和氣春風在眼中千古孫劉有餘責一時燕

許更誰同受恩知已無從報獨為斯文泣至公

李屏山挽章二首

世法拘人虱處禪忽驚龍跳九天門牧之宏放見
文筆白也風流餘酒尊落落久知難合在堂堂元
有不亾存中州豪傑今誰望擬喚巫陽起醉魂
談塵風流二十年空門名理孔門禪諸儒久已同
堅白博士真堪補太玄孫况小疵良未害莊周陰
助恐當然遺編自有名山在第一諸孤莫浪傳

內鄉縣齋書事

吏散公庭夜已分寸心牢落百憂薰催科無政堪

書考出粟何人與佐軍饑鼠遶床如欲語驚鳥啼

月不堪聞扁舟未得滄浪去慚愧春陵老使君

次山春陵行云思欲委符節引竿自刺船故子美有興舍滄浪清之句

自菊潭丹水還寄崧前故人

臘雪春泥晚未乾馬迎殘照入荒寒初無鳧鳥將

安在正有牛刀恐亦難倦客不知歸路遠孤城唯

覺暮山攢黃金鍊出相思句寄與同聲別後看

被檄夜赴鄧州幕府

幕府文書鳥羽輕敝裘羸馬月三更未能免俗私
自笑豈不懷歸官有程十里陂塘春鴨鬧一川桑
柘晚煙平此生只合田間老誰遣春官識姓名

馬鄧驛中大雨

萬壑千岩一雨齊先聲噴薄捲湍溪投林鳥雀不
暇顧移穴蛟龍應自迷便恐他山藏厚夜豈知高
樹有晴霓兩江合向西南鬪坐想風雲入鼓鼙

馬鄧

西南兩浙水
相合處也

除夜

一燈明暗夜如何夢寐衡門在澗阿物外煙霞玉
華遠花時車馬洛陽多折腰真有陶潛興扣角空
傳甯戚歌三十七年今日過可憐出處兩蹉跎

鄧州相公命賦喜雨

輕陰十日暮春前和氣朝來雨沛然河潤定應連
上國雲來端合自中天

帥從洛陽移鎮

烽零帶溼間幽障

麥壠分青入廢田共識使君霖雨手調元消息在
今年

劉光甫內鄉新居

豸冠平日凜秋霜老去聲名只閉藏父老漸來同
保社兒童久已愛文章蔬隨隙地皆成圃竹放新
稍欲過墻爲向長安舊遊道世間元有北窗涼

西齋夜宴

飄零無物慰天涯酒伴相逢飲倍加悞謬君當畧
彭澤迴旋我亦笑長沙金釵醉鞞迎春髻銀燭光
搖半夜花只欠東山游錄事不來堅坐看紛譁

叔能

信之張社諸人皆
在而麟之獨不至

十月

十月常年見早梅今年二月未全開春寒春煖花
如故年去年來老漸催大藥誰傳軒后鼎習仙虛
築漢宮臺憑君撥置人間事不負浮生只此杯

送吳子英之官東橋且爲解嘲林查書開

柴車歷鹿送君東萬古書生蹭蹬中良醞暫留王
績醉新詩無補玉川窮駒陰去我如決驟蟻垤與
誰爭長雄快築糟丘便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛長江大浪欲

橫去聲潰厚地高天如合圍萬里風雲開偉觀百年

毛髮凜餘威長虹一出林光動寂歷村墟空落暉

丹霞下院同仲澤鼎玉賦

時從商帥軍至南陽

春風

鞍馬忽忽去復還霜鍾今得見豐山千季香火丹

霞老滿眼興亾白水閒壯志自憐消客路深居誰

得似禪關只應頻有西來夢夜夜青林杳靄間

春日半山亭游眺

日照春山花滿煙獨携尊酒此江邊江流袞袞望

不極世事悠悠私自憐小草不妨懷遠志芳蘭誰

為發幽妍千季石壁留詩在會有騷人一慨然

別程女

芸齋浙浙掩霜寒別酒青燈夜語闌生女便知聊

寄託中季尤覺感悲歡松間小草栽培穩掌上明

珠棄擲難明日緜山東畔路野夫懷抱若為寬

當出山

松門石徑靜無關布襪青鞋幾往還少日漫思為

世用中年直欲伴僧閒塵埃長路仍回首并斗微

官亦強顏休道西山不留客數峰如画暮雲間

謝鄧州帥免從事之辟
憂端擾擾力難任
世事駸駸日見臨
三載素冠容有媿
一時墨經果何心
首丘自擬終殘喘
陟屺誰當辨苦音
遙望朱門涕橫落
相公恩德九泉深
一軍南北幾扶傷
長坂安行氣已王
豪傑盡思爲漢用
江山初不假吳強
兩朝元老心雖壯
再世中興事可常
寂寞永安宮畔土
爭教安樂似山陽

新野先主廟

次鄧帥韻

石門

兩崖懸絕倚山垠
草逕低迷劣可分
潭影乍從明處見
竹香偏向靜中聞
石林萬古不知暑
茅屋四隣唯有雲
曳杖行歌羨樵叟
此生何計得隨君

獨峰楊氏幽居

無人會白水
秋入暮雲

村墟瀟灑帶新晴
落日千山一片青
世外衣冠存太朴
雲間鷄犬亦長生
清江兩岸多古木
平地數峰如画屏
惆悵朝陽一茅屋
酒船茶竈負生平

渡湍水

湍作專呼
見水經

悠悠人事眼中新
悄悄孤懷百慮紛
伎倆本宜閒

處著姓名誰遣世間聞
秋江澹沱如素練沙浦空
明行暮雲早晚扁舟載煙雨
移家來就野鷗群

十日登高發興新
豐山孤秀出塵氛
村墟帶晚鴉
噪合林壑得霜煙
景分芳臭百年隨
變滅短長千古只
紛紜詩成一嘆無
人會白水悠悠入
暮雲

岐陽三首

突騎連營鳥不飛
北風浩浩發陰機
三秦形勝無
今古千里傳聞果
是非偃蹇鯨鯢人
海涸分明蛇

犬鐵山圍窮途老阮無奇策
空望岐陽淚滿衣
百二關河草不橫
十季戎馬暗秦京
岐陽西望無
來信隴水東流聞
哭聲野蔓有情縈
戰骨殘陽何
意照空城從誰細
向蒼蒼問爭遣
蚩尤作五兵
耿耿九虎護秦關
懦楚孱齊杌
上看禹貢土田推
陸海漢家封檄盡
天山北風獵獵悲
笳發渭水蕭
蕭戰骨寒三十六
峰長劔在倚天
仙掌借空間
圍城病中文舉相
過問臥病
擾擾長衢日往回
病中聊得避喧埃
愁多頓覺無

詩思計拙唯思近酒杯潘岳鏡中渾白髮江淹門
外卽蒼苔生涯若被傍人問但說經年鼠不來

蕭憺讀靖康僉言

浚郊沙海浩茫茫河廣纔堪一葦航顛沛且當懲
景德規模何必罪朱梁滄溟不掩蛟龍窟大地同
歸雀鼠鄉三百年間幾降虜長星無用出光芒

來言雨後丹鳳門登眺

絳闕遙天霽景開金明高樹晚風迴長虹下飲海
欲竭老鴈叫群秋更哀劫火有時歸變滅神嵩何

計得飛來窮途自覺無多淚莫傍殘陽望吹臺

京居辛卯八月六日作

四壁秋蟲夜語低南窗孤客枕頻移野情自與軒
裳隔旅食難堪日月遲平子歸田元有約魏舒襍
被恐無期一莖白髮愁多少慚愧家人賦屢屢

浩然師出圍城賦鶴詩爲送

夢寐西山飲鶴泉美君歸興渺翩翩昂藏自有林
壑態飲喙暫隨塵土緣遼海故家人幾在華亭清
唳世空憐明年也作江鷗去水宿雲飛共一天

追用座主間間公韻上致政馮內翰二首

峻坂平生幾疾驅
歸休甫及引年初
東門太傅多
祖道北闕詩人休
主書早歷老歸
千里驥白雲間
釣五溪魚非熊有
兆公無恙會近
君王六尺輿
草堂人物列仙臞
萬壑松風酒一壺
少日打門無
俗客老年爭席有
樵夫巨源不入
竹林選元亮偶
成蓮社圖野史他
年傳耆舊風流一
似公無神

懷秋林別業

茅屋蕭蕭浙水濱
豈知身屬洛陽塵
一家風雪何

季盡二頃田園入夢頻
高樹有巢鳩笑拙
空墻無穴鼠嫌貧
西南遙望腸堪斷
自古虛名只悞人

壬辰十二月車駕東狩後即事五首

翠被忽忽見執鞭
戴盆鬱鬱夢瞻天
只知河朔婦
銅馬又說臺城墮
紙鳶血肉正應皇
極數衣冠不及廣
明季何時真得攜
家去
萬里秋風一釣船
慘澹龍蛇日鬪爭
干戈直欲盡生靈
高原水出山河改
戰地風來草木腥
精衛有冤填瀚海
包胥無淚哭秦庭
并州豪傑知誰在
莫擬分軍下井陘

鬱鬱圍城度兩季愁腸飢火日相煎焦頭無客知
移突曳足何人與共船白骨又多兵死鬼青山元
有地行仙西南三月音書絕落日孤雲望眼穿
萬里荆襄入戰塵汴州門外卽荆榛蛟龍豈是池
中物蟣虱空悲地上臣喬木他年懷故國野煙何
處望行人秋風不用吹華髮滄海橫流要此身
五雲宮闕露盤秋銀漢無聲桂樹稠複道漸看連
上苑戈船仍擬下揚州曲中青塚傳新怨夢裏華
胥失舊游去去江南庾開府鳳凰樓畔莫迴頭

永寧南原秋望

浩浩西風入敝衣茫茫野色動清悲洗開塵漲雨
纔定老盡物華秋不知烽火苦教鄉信斷砧聲偏
與客心期百季人事登臨地落日飛鴻六線遲南

中秋雨夕

商仲國器
筵中作

南樓高興在胡床十日秋陰負一觴庾老未應妨
嘯詠素娥多自然昏黃此生此夜不長好行雨行
雲有底忙却恐哦詩太愁絕且燒銀燭看紅粧人

癸巳四月二十九日出京

塞外初捐宴賜金當時南牧已駸駸只知灞上真
兒戲誰謂神州遂陸沉華表鶴來應有語銅鑿人
去亦何心興亾誰識天公意留著青城閱古今

國初

取宋於青
城受降

喜李彥深過聊城

圍城十日鬼爲隣異縣相逢白髮新恨我不如南
去鴈羨君獨是北歸人言詩匡鼎功名薄去國虞
翻骨相屯老恨天公只如此窮途無用說悲辛

與張杜飲

故人寥落曉天星異縣相逢覺眼明世事且休論
向日酒尊聊喜似承平山公倒載群兒笑焦遂高
談四座驚轟醉春風一千日愁城從此不能兵

遺山先生詩集卷第十終

遺山先生詩集卷第十一
 七言律詩
 秋夕
 小簾涼多睡思清一窗風雨送秋聲頻年但覺貂裘敝萬古何曾馬角生寄食且依嚴尹幕附書誰住鄧州城澆愁欲問東家酒恨殺寒鷄不肯鳴

夢歸
 顛顛南冠一楚囚
 歸心江漢日東流
 青山歷歷鄉國夢
 黃葉蕭蕭風雨秋
 貧裏有詩工作祟
 亂來無

顛顛南冠一楚囚
 歸心江漢日東流
 青山歷歷鄉國夢
 黃葉蕭蕭風雨秋
 貧裏有詩工作祟
 亂來無

淚可供愁殘季兄弟相逢在隨分
壘鹽萬事休無
白屋寒多愛夕曛靜中歸思益紛紛
長門誰買千金賦祖道虛陳五鬼文
地盡更無錐可置竈間唯
覺井長勤明年準擬萊蕪住寄謝東隣范史雲
淮右城池幾處存宋州新事不堪論
輔車謾欲通吳會突騎誰當擣
薊門細水浮花滸別澗斷雲含
雨入孤村空餘韓渥傷時語
畱與纍臣一斷魂

徐威卿相過畱二十許日將往高唐同李輔
之贈別二首

衣冠八座文昌府襍被三季同舍郎
蕩蕩青天非向日蕭蕭春色是他鄉
傷時賈誼頻流涕臥病王章自激昂
保社追隨有成約不應關塞永相望
東南人物未彫零和氣春風四座傾
但喜詩章多俊語豈知談笑得新名
二年阻絕干戈地百死相逢骨肉情
別後相思重迴首杏花尊酒記聊城

逆豎終當繪縷分揮刀今得快三軍燃臍易盡嗟
何及遺臭無窮古未聞京觀豈當誣翟義衰衣自
合從高勲秋風一掬孤臣淚叫斷蒼梧日暮雲
望王李婦程
一褐霜寒晚思孤眼中行李見婦途虞卿仲子死
不朽石父晏嬰今豈無義士龍沙元咫尺纍臣駒
隙自舒徐何時斗酒歡相勞驚看燕家頭白烏

秋夜

九死餘生氣息存蕭條門巷似荒村春雷謾說驚
坯戶皎日何曾入覆盆濟水有情添別淚吳雲無
夢寄歸魂百季世事兼身事尊酒何人與細論

甲午除夜

暗中人事忽推遷坐守寒灰望復燃已恨太官餘
麩餅爭教漢水入膠船神功聖德三千牘大定明
昌五十年甲子兩周今日盡空將衰淚灑吳天

乙未正月九日立春

十度新正九處家今年癡坐轉堪嗟一冬殘雪不
肯盡連日苦寒殊未涯重碧總誇燕市酒小紅誰

記上林花殘魂零落今無幾乞與春風惱鬢華
杏花落后分韻得歸字

懶髓能醫病頰肥鸞膠無那片紅飛殘陽澹澹不
肯下流水溶溶何處歸煮酒青林寒食過明粧高
燭賞心違寫生正有徐熙在漢苑招魂果是非

三僊祠

三僊祠下往來頻憔悴征衫滿路塵蕭鼓未休寒
食酒樵蘇時見舊都人吹殘芳樹紅仍在展放平
田綠已勻西北并州隔千里幾時還我故鄉春

送輔之仲庸還大梁

驂駟爭道渺翩翩誰遣風塵失壯年四壁舊聞懸
罄宅一囊今有賣書錢淋浪別酒青燈夜滅沒孤
帆落照邊想得還家過春半故都喬木滿蒼煙

繡江汎舟有懷李郭兩公

荷花如錦水如天浪藉秋香擁画船長白風煙最
瀟灑外臺賓主重留連勝遊每恨隔千里樂事便
當論百季咫尺西州兩詩客不來同作飲中仙

送杜子

洛陽塵土化緇衣又見孤雲着處飛北渚曉晴山
入座東園春好妓成圍來鴻去燕三年別深谷高
陵萬事非轟醉春風有成約可能容易話東歸
眼中
眼中時事益紛然擁被寒窗夜不眠骨肉他鄉各
異縣衣冠今日是何年枯槐聚蟻無多地秋水鳴
蛙自一天何處青山隔塵土一菴吾欲送華顛

送杜招撫歸西山

杜亂後爲
黃冠師

少日先聲懾虎貔只今騎馬欲鷄棲邯鄲枕上人

初覺秋水篇中物已齊父老樵漁知有社將軍桃
李自成蹊因君喚起思鄉意君在西山我更西

寄欽止李兄

征車南北轉秋蓬關塞相望兩禿翁袞袞便當隨
世路悠悠難復倚天公銅駝荆棘千年後金馬衣
冠一夢中尊酒雲州古城下幾時攜手哭春風

有寄

飛鴻來處是營平喜向斜封見姓名千里呂安思
叔夜五更殘月伴長庚關河秋興風景暮長路渴

心塵土生南渡詩人吾未老幾時同醉鳳凰城

鎮州與文舉百一飲

翁仲遺墟草棘秋蒼龍雙闕記神州只知終老歸
唐土忽漫相看是楚囚日月盡隨天北轉古今誰
見海西流眼中二老風流在一醉從教萬事休

別王使君丈從之

謝公每見皆名語白傅相看只故情尊酒風流有
今夕玉堂人物記升平泰山北斗千年在和氣春
風四座傾別後殷勤更誰接只應偏憶老門生

寄汴禪師

師舊隱
濟源

白頭歲月坐詩窮止有相逢一笑同齋粥空疎想
君瘦冠巾收斂定誰公夢魂歷歷山間路世事悠
悠耳外風見說懸泉好薇蕨草堂知我是隣翁

逐釋老家甚急故
有冠巾收斂之句

衛州感事二首

神龍失水困蜉蝣一舸倉皇入宋州紫氣已沉牛
斗夜白雲空望帝鄉秋劫前寶地三千界夢裏瓊
枝十二樓欲就長河問遺事悠悠東注不還流

白塔亭亭古佛祠往季曾此走京師不知江令還
家日何似湘纍去國時離合興亾遽如此棲遲零
落竟安之太行千里青如染落日欄干有所思

落日

一作
獨凭

望蘇門

諸父當季此往還客衣塵土淚斑斑太行秀發眉
宇見老阮亾來尊俎間出岫暮雲歸有處投林孤
鶴杳難攀湧金亭上秋如画興在青林杳靄間

望崧少二首

崧少飛來崑閬山山家茅屋翠微間鷄豚鄉社相
勞苦花木禪房時往還結習尚餘三宿戀殘季多
負半生間長河一葦人千里望斷西城碧玉環

飲鶴池邊萬木稠養龍崖上五峰秋藤垂絕壁雲
添潤澗落哀湍雪共流田父占季驚玉旆詩仙留
迹歎崑丘西風落日山陽道空對紅塵憶舊遊

飲鶴

池在緱山養龍
崖在五乳峰下

懷州子城晚望少室

河外青山展臥屏并州孤客倚高城十年舊隱拋

何處一片傷心画不成
谷口暮雲知鄭重
林梢殘照故分明
洛陽見說兵猶滿
半夜悲歌意未平

別覃懷幕府諸君二首

王後盧前舊往還
江東渭北此追攀
百季人物存公論
四海虛名只泮顏
詩酒聊堪慰華髮
衡茅終擬共青山
相思後日并州夢
常住瑤林照映間
太行醲秀在山陽
嵇阮經行舊有鄉
林影池煙設清供
物華天寶借餘光
承平故事嗟猶在
雅詠風流豈易忘
梢待秋風入涼冷
百壺吾欲醉籌堂

河內

有七賢鄉

羊腸坂

浩蕩雲山直北看
凌兢羸馬不勝鞍
老來行路先愁遠
貧裏辭家更覺難
衣上風沙歎憔悴
夢中燈火憶團圓
憑誰為報東州信
今在羊腸百八盤

高平道中望陵川二首

此縣先隴城府君泰和中舊治

列宿澄明墨綬尊
中臺良選到明門
來時珥筆誇健訟
去日攀車餘淚痕
一片青山幾今昔
百年華屋記生存
泰和遺老今誰在
向道甘棠有子孫

鈴閣文書到酒卮諸曹小吏亦抄詩座中佳客無
虛日簾下歌童盡雅辭棠棣有花移舊巧櫻桃和
露彈繁枝書郎零落頭今白腸斷荷衣出拜時棠棣

櫻桃皆當時事

野谷道中懷昭禪師
行行汾沁欲分疆漸喜人聲挾兩鄉野谷青山空
自繞金城白塔已相望湯翻豆餅銀絲滑油點茶
心雪蓋香說向阿師應被笑人生生處果難忘

太原

夢裏鄉關春復秋眼明今得見并州古來全晉非
無策亂後清汾空自流南渡衣冠幾人在西山薇
蕨此生休十季弄筆文昌府爭信中朝有楚囚

外家南寺

在至孝社子兒時讀書處也

鬱鬱楸梧動晚煙一庭風露覺秋偏眼中高岸移
深谷愁裏殘陽更亂蟬去國衣冠有今日外家梨
栗記當年白頭來往人間徧依舊僧窗借榻眠

追賦定襄周帥夢卿家秋日牡丹人

千古吳中富貴家秋風吹送洛陽花真妃鏡裏春

難老玉女車邊日易斜
紀瑞定誰增舊譜
換根元自有靈砂
來遲不及西堂宴
猶想分香入棣華

周有

棣華堂

桐川與仁卿飲

蕭蕭茅屋繞清灣
四面雲開碧玉環
已分故人成死別
寧知尊酒對生還
風流豈落正始後
詩卷長留天地間
海內斯文君未老
不須辛苦賦囚山

過濁鹿城與趙尚賓談山陽舊事

廢邑蕭條落照邊
山陽遺跡是空傳
肺腸未潰猶

可活灰土已寒寧
復然負鼎運來元
有力考槃人去更
堪憐因君憶得曹
瞞事銅雀臺荒又
幾年

官園探梅同康顯之賦

柳麥榆椒寂寞邊
儘饒梅事得春偏
留殘瘦骨猶堪画
未展幽香已可憐
千里移根自何許
數枝臨水記當年
開時重約花前醉
試手東風第一篇

十二月十六日還冠氏十八日夜雪

少日騫飛掣臂鷹
只今癡鈍似秋蠅
耽書業力貧猶在
涉世筋骸老不勝
千里關河高骨馬
四更風

雪短檠燈一餅一鉢平生了慚愧南窗打睡僧
別康顯之

玉川文字五千卷鄭監才名四十年誰謂華高吾
豈敢耻居王後子當然河亭笑語歸陳迹里社追
隨失後緣後夜并州月千里南窗尊酒且畱連

寄楊飛卿

客夢悠悠信轉蓬藜床殷殷動晨鍾西風白髮三
千丈故國青山一萬重沙水有情畱過鴈乾坤多
事泣秋蟲三間老屋知何處慚愧雲間陸士龍

置六雨夜

夢裏孤蓬雨打秋茅齋元更小於舟無錢正坐詩
作崇識字重爲時所讐千里漫思黃鵠舉六年真
作賈胡畱并州北望山無數一夜砧聲人白頭

東平送張聖與北行

天山曾望使車還官柳青青此重攀去國衣冠不
易感中年親友更相關籬雲自可無千里隱霧誰
教見一班海內文章在公等

兼謂李主簿仁卿

不應空老

道途間

別張御史 特立字 文舉

晚學天教及老成翰林詩裏美鴻冥 馮內翰文贈 御史詩有鴻

真雉媒 之句 簞瓢此日歸顏巷銅墨當時動漢廷華袞

謾勞紆直筆 御史見始之 付過有褒拂 絳帷無復與橫經祗應

千里并州道常並虛危候德星

出東平州北望山無幾一寄南華人白頭

老馬凌兢引席車高城回首一長嗟市聲浩浩如

欲沸世路悠悠殊未涯潦倒本無明日計往來空

置六年家東園花柳西湖水剩著新詩到處誇

蝗旱相仍歲已荒伶俜十口值還鄉空令姓字喧

時輩不救飢寒趨路傍行帳馬嘶塵瀕洞空村人

去雨淋浪河千里筋骸盡更欲驅車上太行空

別冠氏諸人 戊戌秋八 月初二日

東舍茶渾酒味新西城紅艷杏園春衣冠會集令

為盛里社追隨分更親分手共傷千里別低眉常

愧六年貧他時細數平原客看到還鄉第幾人今

未擬入濟源寓舍 戊戌八月 二十二日

卷之十一

未辦驅車上太行主人留此避風霜遺編墜簡文章爛糲食粗衣歲月長奮迅舊嫌扶老杖龍鍾今屬負暄墻睡中刺刺聞人語季子金多過洛陽

東會鎮平縣齋感懷

四十頭顱半白生靜中身世兩關情書空咄咄知誰解擊缶嗚嗚却自驚老計漸思乘款段壯懷空擬漫崢嶸西窗一夕無人語挑盡寒燈坐不明

野菊再奉座主間間公命作

晚景蕭疎画不成晚花作意出繁英鮮明獨向霜

露見爛熳卻隨蒿艾生南國騷人知有待西風胡蝶更多情南山正在悠然處安得芳樽與細傾

五月十二日座主間間公諱日作

厝火誰能救已然直教憂疾送華顛贈官不暇如平日草詔空傳似奉天故壘至今埋恨骨遺宗何力起新阡門生白首渾無補陸氏莊荒又一年

四哀詩

李欽叔不奇山

赤縣神州坐陸沉金湯非粟禍侵尋當官避事平

生耻視死如歸社稷心文采是人知子重交朋無
我與君深悲來不待山陽笛一憶同衾淚滿襟

四冀京父

先公藻鑑識終童曾拔崑山玉六峰不見連城沽
白壁蚤聞烈火燎黃琮重圍急變紛紛日九地忠
魂耿耿胸欲弔雲南無覓處士林能不泣相逢

李長源

冀都事死東州禍李翰林凶陝府兵方爲騷人箋
楚些更禁書客墮秦坑石苞本不容孫楚黃祖安

能貸禰衡同甲四人三橫實此身雖在亦堪驚

王仲澤

太學聲華弱冠馳青雲岐路九霄飛上前論事龍
顏喜幙下籌邊犬吠稀壯志相如頭碎柱赤心嵇
紹血沾衣從來聖牘褒忠義誰爲幽魂一發輝

過詩人李長源故居

楚些招魂自往季明珠真見抵深淵巨鼇有餌雖
堪釣怒虎無情可重編千丈氣豪天也如七言詩
好世空傳傷心鸚鵡洲邊淚卻望西山一泫然

我昔已亥十一月十三日雪晴夜半讀書山東龕
四山寒雪夜深明未恨崔嵬失舊青青女有功加
粉澤素娥無意惜娉婷微雲河漢非人世太古鴻
荒見典刑剩著新詩記今夕年年來醉半山亭
晴光晃漾入危闌萬象都歸一色看搖筆尚堪凌
浩蕩舉杯誰與慰荒寒化成銀界清涼近散盡冰
花碧海乾後夜霜空月輪滿可無秦女共驂鸞

杏花二首

庚子歲
南菴賦

芳樹春融絳蠟凝春風寂寞掩柴荆画眉盧女嬌
無奈齟齬孫娘笑不成已怕宿粧添蝶粉更堪煖
蕊開蜂聲一般疎影黃昏月獨愛寒梅恐未平
一穗蘆鞭一穗塵西園紅艷眼中新帽簷分去家
家喜酒面飛來片片春梅柳幾曾同故事櫻桃纔
得綴芳辰荒城此日腸堪斷老卻探花筵上人

醉後

蚤歲披書手不停中年所得是忘形天公不禁人

遺山詩集 十五
間酒崔瑗虛畱座右銘身後山丘幾春草醉來日
月兩秋螢柴門苦雨青苔滿一解狂歌且自聽

遺山先生詩集卷第十一 終

遺山先生詩集卷第十二
七言律詩

賦南中楊生玉泉墨

墨不用松煙
而用燈煤

萬竈玄珠一唾輕客卿新以玉泉名御團更覺香
為累冷劑休誇漆點成浣袖秦郎無藉在画眉張
遇可憐生晴窗弄筆人今老孤負松風入硯聲

以張遇麝香小
團為画眉墨

贈張文舉御史
安穩藜床坐欲穿合教絕學到真傳清貧自苦知

何負神理無憑恐未然
麋乳尚憐孤竹餓龍頭
誰識管寧賢無窮白日青天在
會有先生引鏡年

先生

新失

寄荅飛卿

一首新詩一紙書
喜於滄海得遺珠
古來獻玉猶難售
此日聞韶本不圖
白雪任教春事晚
青天終放月輪孤
并州命駕纔千里
嵇呂風流未可無

留別龍興汴禪師普照鑑禪師

十年不見木菴師
二老相從又一時
俚曲只知無

白雪遺音誰謂有朱絲
書難盡信何如默
人各為

家枉自私三月春風滿
桃李青青畱看歲寒枝

赤谷口

林罅陰崖霧杳冥
石根寒溜玉玎玲
雲來朔漠疑秋早
山近清涼覺地靈
靜愛鳥聲存野調
閑嫌人迹帶塵腥
南臺說有金銀氣
可是并汾處士星

繫舟

山僧徒謂之小五臺九月
中時有景星如佛光云

贈楊君美之子新甫

書林頭白坐吟呻
青佩橫經更幾人
總角未逢韓

吏部伏膺先就楚靈均岳蓮盡發三峰秀玉樹初
臨二月春看取楊家伯男子今季天壤姓名新

灑亭同麻知幾賦

零落棲遲復此遊一尊聊得散羈愁天圍平野莽
無際水遶孤城閒不留

元是深字知幾
請予改作閒字

柳意漸迴

淮浦煖鴈聲仍帶塞門秋登高望遠令人起欲買
煙波無釣舟

荅公茂

文昌除目入驚看似覺規模到漢官冀北已空天

下馬江東全倚謝家安黃圖赤縣風流在碧落銀
河病眼寬林下升平有他日草堂應許駐金鞍

過應州

平野風埃接戍樓邊城三月似窮秋人家土屋纔
容膝驛路旃車不斷頭隨俗未甘嘗馬漣敵寒直
欲御羊裘十季紫禁煙花繞此日雲山是應州

應州寶宮寺大殿

縹渺層簷鳳翼張南山相望鬱蒼蒼七重寶樹圍
金界十色雲華擁画梁竭國想從遼盛日閱人真

是魯靈光請看孔釋誰消長林廟而今草又荒

懷安道中寄懷曹徵君子玉蒼士重寶樹園

赭水歡遊事已非襄山迴首重依依義熙畱在陶

元亮華表來歸丁令威袖裏短書懷老筆夢中皤

腹見褒衣祝君飽喫殘季飯會有隣墻白版扉

五月十一日樗軒老忌辰追懷人來士氣

遺後交情老更傷每逢此日倍難忘神光何處理

泉壤落月無言滿屋梁祕閣圖書疑外府謝家蘭

玉記諸郎靈均謾倚騷經在宗國河山半夕陽公墓

今為亂塚所迷故有上句

感事

富貴何曾潤髑體直須浙米向矛頭血讐此日逢

三怨風鑿生平備九流瓢飲不甘顏巷樂市鉗真

有楚人憂世間安得如川酒力士鎗頭醉死休

與令玉溪詩集一檢無人識或文六苦北下

邂逅詩翁得勝遊煙霞真欲盡松丘玉溪如此不

一到今日曠然消百憂林影蒼茫開霽曉岸容瀟

灑帶新秋酒材已辦須君釀要及西風入釣舟

華不注山濟南作

元氣遺形老更頑孤峰直上玉屏顏龍頭突出海

波沸鼇足斷來天宇閒齊國伯圖殘照裏謫仙詩

興冷雲間乾坤一劍無人識夜夜光芒北斗殷

岳解元生日邦獻

天日晴明見岳時只君消得謫仙詩鶯花到處供

杯酒霜雪何緣點髮絲已辦紫雲新活計又添驥

子好男兒扶風里社他季看開簇靈椿桂五枝

感興夜宿讀書山作

倚梯從昔望煙霄七葉何人竟珥貂道路常教車
歷鹿功名唯有髮飄蕭勤如韓子初無補晚似馮
公豈見招五十三季等閒裏一窗風葉雨瀟瀟

晨起壬寅正月九日

鐙火青熒語夜闌柴荆寂寞掩春寒歡悰已向杯
中減老態何堪鏡裏看多病所須唯藥物一錢不
直是儒冠掣鯨莫倚平生手只有東溪把釣竿時欲

經營神山別業故云

送周帥夢卿之關中二首

遺山詩集 五
狼藉麻衣見酒痕憶君醉別柳邊村離愁擾擾理
還亂來事悠悠誰與論瘴海漸添春浪濶冰崖唯
覺暮煙屯人間底似三峰好箭筈通天有一門
風華漠漠水迢迢長記金鞍入灞橋鬚髮而今滿
霜雪羽毛此日是雲霄火餘函谷青猶峙春動長
陵紫未消射虎南山付公等可能仙掌不相招

公詩感事五十三

舐痔歸來位望尊駸駸雷李入平吞飢蛇不計撐
腸裂老虎爭教有齒存神聖定須償宿業債家猶

足褫驚魂且看含血曾誰喫猪嘴關頭是鬼門

十二月二十日雪中過石嶺關

老天黯慘入平蕪朔吹崩奔萬竅呼雪意旋粧行
路景詩家新有入關圖地爐圍坐慚田父絮帽衝
寒怨僕夫故國煙花重回首蜀橙山麝記金壺

將上書莘國幕府感懷呈賈明府

兵家世不乏小杜風鑒今誰如老龐自許奇謀傾
幕府不防幽夢落蓬窗驚鳥繞月枝難穩羸驥嘶
風氣未降愛惜平生請纓手一簑休憶弄秋江

草木荒城屋數椽春寒閭巷益蕭然僮奴樵爨頭
如葆稚女跳梁履又穿白石鯉魚空尺半朱門食
客自三千松枝塵尾山中滿去去南華有內篇

樂於卽事

商帥國器
見免從軍

逋客而今不屬官住山盟在未應寒書生本自無
燕領造物何嘗戲鼠肝會最指天容我懶鴟夷盛
酒盡君歡到家慈母應相問爲說將軍禮數寬

示懷祖

憔悴經季臥澗阿囊中無物只詩多自驚白髮先
潘岳人笑藍衫似采和狗盜鷄鳴皆有用鶴長鼻
短果如何乘閒便作歸田賦付與牛童扣角歌

示崔雷詩社諸人

一寸名場心已灰十季長路夢初回江山侶許供
詩筆麋粥猶能到酒材賣劔買牛真得計腰金騎
鶴恐非才游從肯結鷄豚社便欲歲時相往來

益州弘州贈曹丈子玉

丘園舊憶詢幽仄裘褐今聞識姓名故國衣冠有

遺老歲寒松柏見交情寄書千里空頭白握手
孟俱眼明來往裏陰從此始剩將歌笑慰生平

和仁卿演太白詩二首

蕭蕭窗竹動秋聲紫極深居稱野情靜坐且畱觀
衆妙還丹無用說長生風流五鳳樓前客寂寞千
秋身後名解道田家酒應熟詩中只合愛淵明
蕭蕭窗竹動秋聲簷間白雲澹以成白雲朝飛本
無意白雲暮歸如有情淵明太白醉復醉季主唐
生鳴自鳴四十九黍堪一笑昨非今是可憐生

燕府白兔

仙穎迷離望莫攀爭教失脚下高寒吸殘瀨露瑤
窗曉搗盡玄霜玉杵閒顧影乍疑雲外見寫生何
侶鏡中看褐衣擾擾皆三窟幾在祥經咳唾間

梁都運亂後得故家所藏無盡藏詩卷見約

題詩同諸公賦

飛亭四望水雲寬亭上高人杳莫攀已就湖山攬
奇秀更教鄉社得安閒風流豈落正始後詩卷常
畱天地間勝賞休言隔今昔肩吾新自會稽還

漢宮曾動伯鸞歌事去英雄不奈何但見觚稜上
金爵豈知荆棘臥銅駝神仙不到秋風客富貴空
悲春夢婆行過盧溝重迴首鳳城平日五雲多

歷歷興亡敗局碁登臨疑夢復疑非斷霞落日天
無盡老樹遺臺秋更悲滄海忽驚龍穴露廣寒猶

想鳳笙歸從教盡刻瓊華了畱在西山儘淚垂

宮有瓊華島絕頂廣寒殿近爲黃冠輩所撤

癸卯望宿中霍道院

疊巘沉沉轉素蟾長松栩栩擁高簷湖山已爲新
晴好風露還疑此夜添身外作緣良自苦世間除
睡更無甜溪堂借宿從今始便見兒童具米鹽

金代甲辰三月旦日以後雜詩三首

應接紛紛又浹旬枉教虛負杏園春尋芳自分無
閒日載酒寧知有故人花柳得時俱作態川原經
雨更無塵憑君莫惜尊前醉看卽青梅入座新
澌澌猩紅鬧曉晴攢頭真侶與春爭舒開楊柳聊
相映瘦殺寒梅枉自清粉艷低回工作態絳唇寂

寔獨含情畫圖只愛殘粧好未信徐郎解寫生
密霧輕塵細洒均綠雲紅雪一番新風光爛熳供
歡席酒味清醇侶主人落落湖山如有喜欣欣魚
鳥亦相親新詩寫入溪奴錦從此他鄉不算春
紫牡丹三首
金粉輕粘蝶翅勻丹砂濃抹鶴翎新儘饒姚魏知
名早未放黃徐下筆親映日定應珠有淚凌波長
恐襪生塵如何借得司花手徧與人間作好春
夢裏華胥失玉京小闌春事自昇平只緣造物偏

畱意須信凡花浪得名蜀錦浪淘添色重御爐風
細覺香清金刀一剪腸堪斷綠髮劉郎半白生
天上真妃玉鏡臺醉中遺下紫霞杯已從香國偏
薰染更借花神巧剪裁微度麝薰時約畧驚移鸞
影卻低回洗粧正要春風句寄謝詩人莫漫來

與同年敬鼎臣宿順天天寧僧舍

蕭蕭風雨打僧窗耿耿青燈對客床每恨相望隔
關塞豈知連日醉壺觴萍蘂味薄堪良久茅屋寒
多且閉藏三十餘年老兄弟此回情話獨難忘

贈荅樂丈舜咨

中京副留守

舟車何地得通津書疏相忘意更親但愛栢臺推
峭直豈知梅賦更清新兩都秋色皆喬木耆舊風
流有幾人詩酒陪從約他日鷄川已許濯纓塵

都運李丈哀挽

有之

平日剛稜觸禍機老季天遣故鄉歸登車攬轡名
空在濯足臨流事已非白鶴會須尋舊約青蠅猶
解避餘威

李丈歿於壬寅夏六月
異香滿室三日蠅不近

西州正有花千

樹淚盡羊曇醉後衣

贈荅郝經伯常伯常之大父予少日從之學

科舉

故家珠玉自成淵重覺英靈賦予偏文陣白憐吾
已老名場誰與子爭先撐腸正有五千卷下筆須
論二百季莫把青春等閑了蔡邕書籍待渠傳二

呂國材家醉飲

世事悠悠殊未涯七季回首一長嗟虛傳使信凌
雲筆無復張騫犯斗槎去國衣冠有今日春風桃
李是誰家螺臺剩有如川酒斲為紅塵拂鬢華

洛陽 神州見陸沉已為操琴感
千季河岳控喉襟一曰神州見陸沉已為操琴感
衰涕更須同輦夢秋衾城頭大匠論蒸土地底中
郎待摸金擬就天公問翻復蒿萊丹碧果何心
論二過三鄉望女几邨追懷溪南詩老辛敬之二
雲際虛瞻處士星案頭多負讀書螢筆端有口傳
三篋石上無禾養伯齡從昔葛陂終變滅祗今韓
嶽謾英靈因君重為前朝惜枉破青衫買一經凡女

山土人謂
之韓嶽

萬山青繞一川斜好句真堪字字誇棄擲泥塗豈
天意新除時命是才華百錢卜肆成都市萬古詩
壇子美家欲就溪南問遺事不禁衰涕落塵霞

為鄧人作詩

再見州人本不期相畱相挽忍相違攜盤渭水堪
流涕種柳金陵已合圍事去恍疑春夢過眼明還
似故鄉歸題詩未要題名字令是中原一布衣

贈張主簿偉

江岸墳荒草棘秋朱陽南下重君憂弓刀近塞人
 煙少林壑經霜虎跡稠究竟畏途知有漸激昂高
 義報無絲從今弟妹通家子莫向瓜田認故侯戒為

究竟伴能過險惡道

望盧氏西南熊耳嶺

不到中鄉五十季忽驚行色是盧川已占介福歸

王母未信羈魂侶粵阡柳文時為顧存慙吏報先大人墓

亂後故吏輩歲時致祭偶成期會殆天憐馬范二帥遠在千里外予往盧氏皆

得會荒林破屋江聲裏坐想孤城一泫然

寄劉繼先

清霜茅屋耿無眠坐憶分攜一慨然楚客登臨動

歸興謝公哀樂感中季淒涼古驛人煙外迤邐荒

山雪意邊千樹春風水陽柳待君同繫晉溪船

寄楊弟正卿

馬迹車塵漫白頭蒼生初不待君憂且從少傳論

中隱儘要元規擁上流東閣官梅動詩興洞庭春

色入新篇歸程未覺西菴遠夜夜清伊繞石樓正卿

西菴以名酒甲洛中嘗賦觀漲詩有狂瀾竟逐西風落依舊清伊繞石樓之句故兼及之

爲鮮于彥魯賦十月菊

追錄

清霜浙浙散銀沙驚見芳叢閱歲華借暖定誰畱
翠被鍊顏應自有丹砂秋香舊入騷人賦晚節今
傳好事家不是西風苦畱客衰遲久已避梅花

贈荅同季敬鼎臣

四海屏山放一頭爭教塵土走東州長身奉米侏
儒飽束髮從軍妄尉侯千首新詩工作崇百壺清
酒未消憂悠悠世事今如此付與煙波著釣舟

寄英上人

世事都銷酒半醺已將度外置紛紜乍賢乍佞誰
爲我同病同憂只有君白首共傷千里別青山真
得幾時分相思後夜并州月卻爲湯休賦碧雲

寄荅仰山謙長老

渠住招隱

水菴推出謙書記乞與雲林百自繇想得驅驢入
招隱勝於騎鶴上揚州衆狙皆喜芋初熟一鳥不
鳴山更幽日暮王城市聲合松風亭上莫迴頭

九日登平定湧雲樓故基樓卽閒閒公所建
詩翁曾此宴重陽老樹遺臺認醉鄉流水浮生幾

今管高秋雲物自淒涼飛來野鶴聊堪喜望隔長
鯨又可傷賴是風流未全減白頭門客有王楊時

無咎楊子招在坐
公在郡時學生也

平定鵲山神應王廟

古柳輪囷欲十圍鵲山祠廟此遺基萬金良藥移
造化老眼天公誰耦奇已為養生誣單豹不應遭
網廢元龜平生磊砢澆仍在擬問靈君乞上池

寄荅商孟卿

窈渺朱絃寂寞心得詩何啻得南金冷猿挂夢山

月暝老鴈叫群江渚深異縣五年仍隔濶荒城連
日想登臨書來且只平安了撥觸離愁恐不禁

荅石子章因送其行

石梁詩好先知名尊酒相逢意自傾寶劍沉埋惜
元振鐵檠豪宕見胡鉦藍田月出多重暈豐嶺霜
餘卽大鳴後日天山望征騎燕鴻歸處是雲程

畱別仲經

來時兒女拜燈前此日壺觴是別筵聚散共知陰
有數笑談爭遣病相先秋風古道將誰語殘月長

庚更可憐鷄柵魚梁大村落若爲還侶浙江邊

仲經

方病中故
有上句

別州卿弟

晚歲論詩辱見收相從許久重相畱苦心亦有孟
東野真賞誰如高蜀州萬疊寒雲度歸鴈孤洲春
水澹沙鷗荒城後日思君處風色蕭蕭人白頭

寄叔能兄

星斗龍門姓字新豈知書劔老風塵郎君未省曾
開閣王翰何緣得買鄰銀燭對談辭館夜雪梅同

醉浙江春祗應千里東州月處處相逢卽故人

賀威卿徐弟得雄

利市金錢四座俱阿卿新喜到充閭跨牛楊朴空
顛酒秣驥王良已問途桂出孫枝知秀發鳳離丹
嶠亦舒徐明年別作飛黃句來賀君家第二雛

遺山先生詩集卷第十二
終
 誰在清鏡功名歲又殘
 楊柳攬春出新意小梅留
 霜鬢蕭蕭試鑷看怪來歌
 酒百無歡舊家人物今
 東園晚眺
東平
 誰在清鏡功名歲又殘
 楊柳攬春出新意小梅留
 霜鬢蕭蕭試鑷看怪來歌
 酒百無歡舊家人物今

遺山先生詩集卷第十三

七言律詩人

追錄洛中舊作

樂府新聲綠綺裘
 梁州舊曲錦纏頭
 酒兵易壓愁城破
 花影長隨日脚流
 萬里青雲休自負
 一莖白髮儘堪羞
 人間只怨天公了
 未便天公得自繇

東園晚眺

東平

霜鬢蕭蕭試鑷看
 怪來歌酒百無歡
 舊家人物今誰在
 清鏡功名歲又殘
 楊柳攬春出新意
 小梅留

雪弄餘寒一詩不盡登臨興落日東園獨倚欄
雲英十一月五日躔往西張百無煙書案人
城隈細路入沙汀絮帽衝風日再經款歲村虛更
荒惡窮冬人影亦伶俜林煙漠漠鴉邊暗山骨稜
稜雪外青四十年來此寒苦凍吟猶記隴關亭白
樂林石嶺關書所見
輶輶旃車轉石槽故關猶復戍弓刀連營突騎紅
塵暗微服行人細路高已化蟲砂休自歎厭逢豺
虎欲安逃青雲玉立三千丈元只東山意氣豪

五言 陀羅峰二首

念念靈峰四十季一來直欲斲凡緣鑿開混沌露
元氣散布兜羅彌梵天雲臥無時不閒在樓居何
處得超然殊祥莫詫清涼傳會與茲山續後篇
每恨奇探負盛季松崖今喜入攀緣初驚靈鷲多
飛石更信金牛有漏天鄉國登臨乃如此名場馳
逐亦徒然留詩便與香泉約起本西遊第一篇

追懷曹徵君

生死論交不易忘一迴言別淚千行空勞結伴歸

蓮社無復題詩寄艸堂
楚國先賢宜有傳
粵旂羈鬼謾思鄉
因君錯怨天公了
且道今誰晚節昌

蘇東坡春日書懷呈劉濟川

鄉社荒殘住不成
無端蓬蓽掩柴荆
流黍又見東

風菜樂土空懷北斗城
父老只供畱我醉
兒童也

喜從君行周侯見
說應相笑共隱三泉先
有盟

東風

菜見本草部

石磴雲松著色屏
岸花汀草展江亭
青瑤疊甃通

晉溪

懸甕白玉雙龍掣
迅霆地脉何嘗間
今管尾閭真

解泄滄溟乾坤一
雨兵塵了好就川妃
問乞靈

弔岳家千里駒

蜀客淒涼土一丘
後身還有化身愁
靈椿丹桂偶

相值蕙草清霜寧
久畱掌中玉雪恩
憐在筆底雲

煙取次休過眼
空華只如此不如無
子却無憂

七月十二日行狼牙嶺

狼牙路滑馬伶俜
老鶴超超欲上征
一曲松風寫

幽致九秋雲物愴
離情天開員嶠方
壺境澗落銀

河月窟聲觀面青山入渠手定誰胸次玉崢嶸

十三日度岳嶺

神岳規模亦壯哉上階絕境重裴回丹青萬木秋
風老金翠千峰落照開川路漸分猶暗澹湍聲已
遠更淒哀石門剩比靈丘遠正坐登臨欠一來

玉泉二首

神岳提封入寺基上公官秩見僧碑雲藏佛屋晴
猶暗樹近禪窗老更奇竹杖只供行險易藜床偏
與望川宜同時不及髯中令猶得泉名比鳳池

玉水泓澄古殿隅又新名第不關渠每因天日流
金際更憶風雷裂石初百里官壺分韻勝千人齋
粥薦甘餘八功德具休誇好玩景臺荒有破除

寺東

北有玩景臺盡得神川之勝導者悞引之荒山一笑故有上句

玄都觀桃花

前度劉郎復阮郎玄都觀裏醉紅芳非關小雨能
畱客自是桃花要洗粧人世難逢開口笑老夫聊
發少季狂一杯盡吸東風了明日新詩滿晉陽

贈張致遠

茅屋蕭蕭潁水濱兩山相望卽比隣禪房道院畱
連夜酒榼詩囊浩蕩春老鶴千季見城郭徵君晚
節旁風塵相逢不盡平生生意耆舊風流有幾人
夜宿秋香亭有懷木菴英上人
兄弟論交四十季相從旬日却無緣去程冰雪詩
仍在晚節風塵私自憐蓮社舊容元亮酒藤溪多
負子猷船茅齋一簪愁多少窗竹蕭蕭耿不眠

汴梁除夜

追錄

六街歌鼓待晨鍾四壁寒齋只病翁鬢雪得季應

更白鐙花何喜也能紅養生有論人空老祖道無

詩鬼亦窮數

上聲

日西園看車馬一番桃李又春風

與馮呂飲秋香亭

三子皆吾友
之純席生

龐眉書客感秋蓬更在京塵瀕洞中莫對青山談
世事且將遠目送歸鴻龍江文采今誰似

謂之純鳳

翼

永寧地名

年光夢已空剩著新詩記今夕尊前四客

一衰翁

哀武子告

生氣曾思作九原迷途爭得背南轅梁鴻故事要

離墓 國孤兒祇樹園子今舊說布衣其絕脛今

傳史筆記歸元知君祿仕無心在旌孝終當到李

源源 贈李春卿已空陳春海詩今又華前四密

竇十郎家指顧間因君我亦愛西山丹房藥鏡平

生了禪榻茶煙歲月閒春甕有情供白墮秋風無

力損紅顏重來已有明年約剩破都城幾往還

甲辰秋留別丹陽亦 春風

疎疎衰柳映金溝祖道都門復此畱千里關河動

歸興九秋雲物發詩愁嚴城鍾鼓月清曉老馬風

沙人白頭後夜相思渺何許山西畔是并州

龍興寺閣

全趙堂堂入望寬九層飛觀儘高寒空聞赤幟疑

軍壘真見金人泣露槃桑海幾經塵劫壞江山獨

恨酒腸乾詩家總道登臨好試就遺臺老樹看

別緯文兄

玉壘浮雲變古今燕城名酒足浮沉眼中誰復承

平舊言外驚聞正始音異縣他鄉千里夢連枝同

卷之十三

氣百年心行期幾日休相問觸撥羈愁恐不禁
馬頭風雪遠相迎颯沓弓刀四十程自是青雲動
高興未甘白髮老諸生書來沙漠鐙花喜夢到秦
川煙樹平長句送君還自媿半山已有鴈飛行
全跋荅定齋李兄
小山叢桂姓名香舉世何人得鴈行滄海揚塵幾
今昔長庚配月獨淒涼虛勞裴相求白傅正倚源
明識漫郎十載相從未言晚城南泉石有雲庄風

空山何巨川虛白菴二首

舊向韋編悟括囊肯隨文木被青黃吉祥止處無
餘物知見薰來有底香空谷自能生地籟浮雲爭
得翳天光只愁八月風濤壯夢裏江聲撼客床

何臨

露菊霜茱薦枕囊石泉崖蜜破松黃只緣山遠無
來客更覺心清聞妙香碁局儘堪銷日晷吟毫真
合染溪光劇談不盡江湖景重與青燈約對床

聽姨女喬夫人鼓風入松

白雪朱絃一再行春風纖指十三星雲窗霧閣有
今夕寶靨羅裙無此聲瀟灑寒松度虛籟悠颺飛
絮攪青冥胎仙不比湘靈瑟五字錢郎莫漫驚

哭樊師

自倚沉寃有舌存爭教無路叩天閨裝囊已竭千
金賜絕幕誰招萬里魂東道漫悲梁苑客南園多
負壽張孫春風花落歌聲在夢裏能來共酒尊

寒食

壬子清
明後作

上苑春風盛物華天津雲錦赤城霞輕舟矮馬追

隨遠翠幙青旗笑語譁化國樓臺隔瀛海吳兒洲
渚記仙家山齋此日腸堪斷寂寞銅瓶對杏花

送樊順之

弓刀十驛岳蓮州渭水秦川得意秋王粲從軍正
年少庾郎入幕更風流寒鄉况味真鷄肋清鏡功
名屬虎頭寄謝溪風亭上月老夫乘興欲西遊

蜀昭烈廟

合散扶傷老益堅荒祠重過爲淒然君臣灑落知
無恨庸蜀崎嶇亦可憐一縣山陽堯故事三年章

遺山詩集 卷之十三
武魏長編錦官羽葆今何處半夜樓桑叫杜鵑
合巹宿翠屏口
鬢鬚蒼白葛衣寬事外閒身也屬官授簡如聞數
枚叔乘車初不少馮驩沙城雨塌名空在石峽風
來夏亦寒兩飽三飢已旬日虛勞兒女勸加餐
王敦夫祥止菴
三樂人推二樂全有親可事子能傳舊時詩禮聞
家學此日丹砂見地仙蕩蕩天光虛室外融融和
氣彩衣前情知不羨燕山桂一樹靈椿歲八千

過寂通菴別陳丈

甲辰秋

陳丈未識某而愛其詩曾對高御史士美
言我他日見遺山當快飲百醉後見之而
公已病乃相約易百醉爲百杯每見以酒
籌計之至七八十杯復有此別故詩中及

心遠繇來地自偏不離城市得林泉從教上界多
官府且放閒身作地仙三月有期何敢負百杯未
滿會須填違離更覺從公晚却望都門一慨然

梁移忠詩卷
 一箭功成塞上歸
 迺翁垂白藉扶持
 燕雲義俠風流遠
 里社陰功父老知
 龍種作駒元自異
 虎頭食肉未應遲
 高門更與增華表
 丁令還家先有期

運丈已下世故詩中及之

時都

喬千戶挽詩

高塚驚看石表新
 空將事業望麒麟
 燕遼部曲千夫長
 楚漢風雲百戰身
 赤羽有神雷絕藝
 素旗無誅記連姻
 陰功未報天心在
 累將重侯又幾人

潘安

仁楊使君誄有表之素旗之句喬與子皆毛氏之婿

贈王仙翁道成

覽照休驚白髮新
 奕棋翻覆見來頻
 燕南趙北雷詩卷
 王後盧前盡故人
 平地青雲一爐藥
 舊都喬木百年身
 憑君剩醉浮香酒

館名

常仲明教授挽辭

雲際虛瞻處士星
 豈知談笑已忘形
 鎮州肥膩無毫髮
 晉產真淳有典刑
 白帽枉教淹晚節
 綠囊元擬濟含靈
 汝南後日先賢傳
 猶欠知幾為勒銘

常代

州崞縣人客鄆城與知幾
游從知鑿臨終殊明了

追錄舊詩二首

短褐單衣長路塵十年回首一吟呻孤居無看竟

安往宿債未償今更新相馬自甘齊客瘦食鮭誰

顧庾郎貧聞君話我才名在不道儒冠已悞身自用

韻荅張之純王餘盡前盡故人平與青雲一畝麥書猶香

潦倒聊為隴畝民一犁分得雨聲春功名何物堪

人老天地無心誰我貧穎上雲煙隨處好洛陽桃

李幾番新悠悠世事休相問年麥今年晚得辛用崔

懷和韻

丁未寒食歸自三泉

春山晴暖紫生煙山下分流百汊泉未放小桃裝

野景已看茅屋映秋千飢鳥得食爭相喚醉叟行

歌只自顛寒食明年定何許故人尊酒且畱連

金粟卽事呈邦瑞

鄭莊父子重相畱似為良辰散客愁陋巷新成一

茅屋今年連醉兩中秋開尊便覺賢人近汚足寧

論力士羞明日燕臺傳盛事坐中賓客盡名流

和自樞判李定齋有詩寄白以因風何惜數
朱墨今行書爲落句白酬荅云欲搜春草池塘句
藥裹關心夢不成余平解之西巷海濱
金粟岡頭有髮僧遙知默坐對龕燈書郵但覺浮
沉久詩卷何緣唱和曾白日放歌須縱酒清朝有
味是無能相逢定有池塘句藥裹關心恐未應
春山慶高評事八十之壽
圖畫堯民太朴存衣冠兼得見高門種松千歲如
種德教子一經今教孫化日舒長留算景秋風搖

落變春溫聘來羔鴈休疑晚正及新年薦壽尊

超然王翁哀挽

直擬期頤薦壽尊却從圖畫記生存百年喬木衣
冠古一夕西菴笑語溫故事未霑通德里素風多
負讀書孫吳陳諸老今誰在滅沒歸鴻是薊門

大明贈荅張簡之

營平豪宕變溫文所見今知勝所聞只道生涯無
長物爭教詩壘策奇勲伐薪未敢煩名士載酒能
來過子雲後日山陽養衰疾藥籠仙品正須君

燕都送馬郎中北上
 功曹此日漢蕭何家世當年老伏波但愛紅蓮映
 芳渚豈知寒谷變陽和珠囊不載模糊錦銀管先
 書茂異科太史占天應有喜一星朝處五雲多
 負馬雲漢方鏡背有飛魚
 劫火依然百鍊初護持元自有神魚影寒似覺雲
 屏透光落應分玉斗餘開朗休嫌露圭角圓通寧
 復滯方隅衣冠正了渾閒在一片靈臺欲付渠

贈荅鴈門劉仲修

仲修省郎乘傳過新興有詩見及推激過
 稱甚非衰謬所宜得者媿汗之餘輒用韻
 為謝仲修詩律深密得於尊公鳳山老人
 過庭之訓且其顏狀絕類吾友李從事長
 源故篇中有及

車騎雍容一坐傾并州人物未凋零共知祭酒傳

家學劉向為劉氏祭酒獨愛中郎餘典刑東壁圖書欣有

託南溟風浪駭初經少微見比吾何敢洗眼仙槎
 候客星

餘慶堂

五年霜戟照康莊萬里春風擁画梁已覺并汾增
勝氣更從王郝借餘光靈椿丹桂知難老玉節金
符豈易量剩著牋毫授辭客南堂兼是棣華堂

寄荅劉生

西州消息到東山懷袖新詩百過看白壁明珠驚
照座朔雲寒雪入憑欄省郎共結交情厚野老還
欣禮數寬後日秋風一尊酒草堂應得駐金鞍

別董德卿

爛醉秋風四十場此回歌笑重難忘揚雄詞賦今
誰識陶令田園先已荒同甲弟兄雖異姓宦遊州
郡卽吾鄉懸知後日登高地剩爲行人望太行

送端甫西行

瀛洲人物早知名車騎雍容一座傾美酒清歌良
有味綠波春草若爲情渭城朝雨三年別平地青
雲萬里程老我秦遊舊曾約夢中仙掌已相迎

讀李狀元朝宗禪林記李守濟州城破不屈

節死贈鄉郡刺史

偶向禪林見舊文濟陽南望爲沾巾張巡許遠古
亦少烈日秋霜今更新千字豐碑誰國手百城降
虜盡王臣知君不假科名重元是中朝第一人

林表同嚴公子大用東園賞梅雨三平恨平遊青

東閣官梅要洗粧青雲公子不相忘翰林風月三
千首樂府金釵十二行佳節屢從愁裏過老夫聊
發少年狂花行正比梳行好誰道并州是故鄉

中庸先生垂示先大夫教子詩及裴內翰擇
之所述家傳愛仰不足情見乎辭

嚴訓常如天日照名家元自古今同只知楊秉餘

清節爭信譙玄有素風獨行傳通德里門傳故事

安平韻語到兒童青青畱在懷賢樹愛殺曹南一

畝宮

賀中庸老再被恩綸

萬古千秋麗澤堂紫泥恩詔姓名香治朝例有高
年敬神理終歸晚節昌東魯儒生傳舊學曹南方
志發幽光季春羔鴈秋風酒準擬年年薦壽觴

趙汲古南園

分得
軍字

林園近與六街隣塵漲都歸一水分魚樂定從濠
土得竹香偏向雨中聞接籬倒著容山簡老屋高
眠稱陸雲尊酒相陪有今日却慙詩壘不能軍

萬古柳亭雨夕與高御史夜話

關塞無緣笑語同偶然情話此從容青天蜀道不
得過山色歸心空自濃九日茱萸藍澗酒十年朝

馬景陽鍾三間老屋知何處惆悵雲間陸士龍

高曾

自藍田令入拜監察御史北渡後謀還保塞而困於無資者二十年矣

玉峰魏丈哀挽

風馭翩翩渺獨征幾人終始復哀榮祇緣大事存
遺藁重為斯文惜主盟北斗太山初未減秋霜烈
日凜如生莫疑知己無從報直筆君看戮進明

清明日改葬阿辛

掌上青紅記默粧今朝哀感重難忘金環去作誰
家夢綵勝空期某氏郎一瞥風花纔過眼百年冰
蘖若為腸孟郊老作枯柴立可待吟詩哭杏殤

寄謝常君卿

百過新篇卷又披得君重恨十年遲文除嶺外初

無例詩學江西又一奇楊柳不隨春事老貞松唯
有歲寒知仙鄉白鳳瀛洲近洗眼雲霄看後期

送武誠之往漢陂

太原酒政端甫之父此時爲黃府

之

行李中春發晉溪離筵詞客賦新題青雲有路人
看老秋水無言物自齊杜曲舊遊頻入夢兵厨佳
釀惜分攜因君爲向蓮峰道不待移文我亦西

送劉子東遊

劉郎世舊出雄邊生長幽并氣質全陣馬風檣見
豪舉雪車冰柱得真傳書空咄咄知誰解擊缶鳴

鳴頗自憐後日東州飽歸載且休多送酒家錢

遺山先生詩集卷第三終

且朴多新源宗變



